

W

Handwritten signature or initials, possibly "L. N. 9".

L. N. 9



7
Zwo Historische Missionen oder Schreiben

Wider welchen das I.

Ein Burgation vnd
Defensionschrift an den Durchleuchtig-
sten vnd Großmächtigsten Fürsten vnd Herrn/Herrn
Sigismundum III. König in Polen/Großherzogen in Littaw/ze.
Darinn die von Riga angebracht / warumb vnd mit was
für Conditiones sie beydes sich vnd Rigan die
Hauptstadt in Lieffland/

An den auch Durchleuchtigsten vnd
Großmächtigsten Fürsten vnd Herrn / Herrn
Gustavum Adolphum König in Schweden/
ergeben.

II. Ein Investiva,

Des Durchleuchtigen Fürsten vnd Herrn / Herrn
Christophori Radziwiliij, Herzogen
der Birzarn/ze.

Wider die von Riga / daß sie nicht dem Feind dapffern vnd beharrlichen
Widerstand gethan.

Sind alle beyde sehr lustig vnd wol
zu lesen.



Gedruckt im Jahr Christi

1622.

Faint, illegible text, likely bleed-through from the reverse side of the page.





Defension schrifft/ Der Statt Riga/

An den Durchleuchtigsten vnd Groß-
mächtigsten Fürsten vnd Herrn / Herrn Sigif-
mundum III. König in Polen / Großherzo-
gen in Littau/ &c.

Die I. Missiva.

Durchleuchtigster / Großmächtigster Fürst / Ge-
nädigster Herz / E. K. M. seyen unsere gehorsambste dienst
in aller vnderthänigkeit bevor.

Demnach stellen wir in keinen zweyfel / E. Kön. M. werde mit
sonderbarer bewegung verstanden haben / In was für einẽ zustand /
durch vnwidertreibliche Göttliche Ordinanz wir gerahen: wel-
ches E. K. M. selbst niemals geglaubet / noch wir gemeinet het-
ten. Aber Gott der Herz / welcher allen Ländern vnd Königreichen
ir Grenzen setzet / vnd dieselbige endert wie er will / welches Göttli-
che geheimnuß / wie hart vnd vnbillich sie auch scheint menschli-
che vernunft nit außgrüblen mag: der weiß / mit was für demuth
vnd vnderthänigster klag E. K. M. wir nit allein durch vnser ab-
geordnete vff newlichem General Lädtag öffentlich / sondern auch
privatim in vnderschiedenen schrifften / die von dem Königreich
Schweden vns vor augen schwebende grosse gefahr haben insinui-
ren vnd fürtragen lassen.

Von etlichen zwar / welche die zeit vnd gelegenheit weißlich vnd
fleissig erwogen / hat man vns glauben zugestelt: von vielen aber
nit / welche entweder sich zuuor einnehmẽ / oder aber durch anderer
leichtgläubigkeit vnd falschen wohn haben führen lassen.

Jedoch haben wir vns höchlich erfreuet / das / ob wol gemeine
Stände mit dem Türckischen Krieg vorhin genugsam implicire
gewesen / dannoch E. K. M. ein theil ihrer Genädigsten fürsorg
auch auff das arme Lieffland wenden / vnd also anordnen wollen /

A 2 Das

Daß sie dem Durchleuchtigsten Fürsten vnd Herrn/ Herrn
 Radziwilio/ des Großh. in Littaw / Feldobersten / das *Commando*
 vber Lieffland *solenniter* anbefehlen wöllen / welche zwar alsbald/
 wie wir berichtet worden/ etlich Volck versamlet / ist aber hernach
 anderswo hingeführet worden: Weil viel / vnd darzu nicht gerin-
 ge Personen fürgaben / es hette mit Lieffland keine Noth.

Hierauff als E. R. M. wir abermals vnterthenigst ange-
 langet / ist der gnädigst Bescheid erfolget: Liefflandt sey in des
 Durchleuchtigen Herrn *Palatini Vimensis* *Commando* eingeschloß-
 sen: Da wir solches gehöret / sind wir nicht wenig erschrocken/
 dann allbereit laut vnd kundtbar: daß eben derselbige Herr *Palas-
 tinus* zu einem *ViceGeneral* in Polen von E. R. M. nach Podolien
 sey abgefördert worden: Welchem schweren Ampt/ ob er schon
 vorzusehen/ werde er doch vnter so grosser Last Lieffland wenig *des-
 fendiren* vnd *securiren* mögen/ derhalben billich zu *excusiren*.

Hernach/ als die beste Zeit verflossen / der Feind aber vnge-
 spartes Fleisses / sein *intent* zu *effectuiren* sich bemühet / sind wir
 wiederumb an hochgemeldten Herrn Feldobersten gewiesen wor-
 den. Derhalben wir endlich nicht nachgelassen zu *solicitiren*
 vnd vmb Gottes willen zu bitten / daß in aller eyl so viel möglich
 Volck auffgebracht/ vnd in Lieffland vberffesekt würde / in Be-
 trachtung/ dz gar bald vñ leichtlich/ dz auch niemand solches mer-
 cken oder voransagen könne / auß Schweden in Lieffland zukom-
 men. Derhalben von nöthen / daß Herr Feldoberster mit allem
 Fleiß dahin arbeite / daß er erst das Feld einneme/ weiler also dem
 Feinde in vielen Sachen den Vortheil ablauffen möchte: Dann
 welcher auch hernach erst angelanget / ob er schon ein viel mächtis-
 gere *Armee* mit sich bringe / müsse er doch vielen *inconvenienties*
 vnterworffen seyn.

Wiewol nun der Herr Feldoberster an ihme nichts man-
 geln lassen/ daß er eine völlige *Armada* vffs ehiste versamlet / vnd
 in Lieffland gebracht würde: Ist doch ihme damals vnser Feind/
 welcher sich lengsten hierzu *prepariret*, vorkommen / mit seiner
 wolbestelten *Armee* zu Wasser den Port vnd das Wasser *Dana*
 eins

eingenommen / die Soldaten ans Land gesehet / vnd als nach wenig Tagen der vbrige Rest zu Land angelanget / mit gesamter vnd ganzer Macht vnser Stadt vnter Augen gerücket / hat angefangen das Läger zu schlagen / Lauffgraben zu machen / vnd in wunderbarer eyl viel Schancken auffzuwerffen.

Hernacher hat er auß groben Stücken / auff vnser Mawren vnd *munitiones* dermassen vnd mit solcher Gewalt flankiret vnd getroffen / daß man kaum auff den Füßen stehen mögen. Nichts destoweniger haben wir ihme so viel möglich mit vnerschrockenem Herzen widerstanden / vnd gleiches eingeschicket / daß nicht wenig in des Feindes Läger gefallen.

Es hat vns aber hart bekümmert / daß wir nicht mehr als 300. Soldaten auß nechstgelegenen Orten Teutschlandes zu wegen bringen können. Dann der König in Dennemarc vnd andere Fürsten / welche auch geworben / mehr auff die Hand geben / vnd die Soldaten fast alle an sich gebracht / sind vns sehr hinderlich gewesen: In vnserm Liefßland / welches von Waffen vnd Leuten lechr / war das werben auch vergebens vnd vmbsonst.

Damit wir aber dem Vnfall ein wenig vorbeuerten / haben wir den Rittmeister *Condonem*, welcher von dem Herrn *Zamescio Palatino Kioviensio*, sich zwar in Bestallung hatte nemen lassen / aber zu spat zu ihme gestossen were / sonderlich besoldet / vnd in dieser gemeinen Gefahr das Schloß ihm anbefohlen / welches vnser Vermögen / nicht wenig geschwechet vnd geringert.

Ob aber zwar vnser Bürger vnd Soldaten kein einige Gefahr auß dapfferm Gemüt außgeschlagen / so hat doch alle Tag der Krieg ihrer nicht wenig auffgefressen: Haben sich aber allezeit der von den Ständen versprochenen / guten Hülfß getröstet / vnd damit sich auffgehalten: Sonderlich da der Herr Feldoberster jenseit der Duna sich sehen lassen / vnd mit scharmuziren den Feind angegriffen / da doch sein Macht kaum das zwölffte Theil des Feindes *Armada* beloffen.

Dann wie wir gewislich berichtet hat sich dieselbige vff 99. fahnen fußvolck vnd 21. Cornet Reuter/vff jegliche 150. Man gerechnet/erstreckt.

Hernach als Herz Feldoberster/ so nur ein nacht blieben/ abgezogen/vnd keine hoffnung einiger hilff weiter vorhanden: der Statt aber je lenger je hertter mit der Belägerung zugesetzt wurde/ auch der halbe theil Soldaten sampt vielen Bürgern geblieben waren/ haben wir nit allerdings/wie zwar von nöthen vnd wir gewünscht/ dem Feind mehr widerstehen mögen.

Derhalben der Feind bey nacht der Statt gar nahe geschancket/ dieselbige an dreyen orten vndergraben/vnd 24. tonnen pulver eingelegt/vnd hette auch in dem das Schloß mit vntwiederbringliche schaden der Gebew/ gesprengt/wo nit durch die Weiber vnd armē Kinder er sich zur barmherzigkeit bewegen lassen.

Dannher/nach dem alle menschliche hilff vns abgeschnitten/ auch kein einiger Soldat von den 500 fußgänger/ welche E. K. M. von Gedano zuschicken wollen/ ankommen/ vnd die sache jeso in extremis stunde/habē wir mit dem herrn Castellano vnd andern Edlen Rittmeistern/ Capitainē vñ Kriegserfahrenen raht gehalten/ welche die sache ganz verspielt vnd verlohren geben/ derhalben wir zum Parlamentiren geschritten/vnnd da wir vor vns/ vnser weib vnd kinder/ auch aller rechten vnd freyheiten gute Asssecuration erlangt/haben wir vns dem Großmächtigsten Fürsten vnd Herrn/ Herrn Gustauo Adolpho/ König in Schweden ergeben: da wir dann des Überwinders wunderbarliche vnnd fast vngläubliche Gnad vnd lindigkeit/nit genugsam loben vnd preysen können/welcher mit höchster moderation seines gemüts dieses glücks sich gebraucht/vnd vns vff vnderthänigst begehren genädigst das leben geschenckt hat.

Jedoch ist darbey außgeschlossen diese condition/ das wo fern zwischen beyden Königen inner 3. jahren frist ein billicher Accord vnd fried sich würde machen/wir mit allen rechten vnd freyheiten/vnverhinderlich vns widerumb in E. K. M. devotion zubegeben/gut fug/gewalt vnd macht haben sollen.

Welches

Welches also beschehen sein/ wir vor E. Kön. M. vff das aller theureste affirmiren/wöllens auch im angesicht des gerechte Gottes vnd aller H. Engel am letzten grossen Gerichtstag / öffentlich bezeugen : darneben auch anziehen / das wir bereit gewesen / mit weib/kindern vnd allem vermögen/dem todt selbst in den rachen vns zu stecken/wo nur einiges lob/rhum/oder nutz E. R. M. vnd den Stenden dannenher hette zukommen mögen / wo auch nit die forcht gegen Gott/vnd die sorge vor die vnserige vñ so grausamer that vnd vn Sinnigkeit vns abgezogen/auch wir selbst/ daß E. R. M. solches nit würde gut geheissen habē/ geurtheilet vnd geschlossen hetten. Gott aber der aller herzen innirte gedanken weiß/ wirt die jenigen/durch welche solcher vnfall entstanden/vnd angesponnen worden/zu seiner zeit wol richten. In dem wir aber müssen thun/was Göttlich vnd weltlich recht / vnd die natürliche vernunft/vnd aller Völcker löbliche exempel vns an hand gegeben: So wollen wir E. R. Maj. zum vnderthänigsten gebetten haben/ die geruhen solches nit vnserm eigen mutwillen/sondern etwan einer schuld der Natur / oder vnwiedertreiblicher *fatal-conuersion* / vnd enderung aller sachen/zuzuschreiben / darneben mit höchstem fleiß dahin sich zubemühen/dz alle vrsach vnschuldig Christenblut zuuergiessen/welches in den Himmel vmb rach schreyet verhutet: Ein bestendiger Friede getroffen: All rauben/plündern vñ verhergen auffgehoben. vnd die lang begerte rhu dem hochbetrangten armen volck wieder gebracht werde.

Sonsten werden Himmel vnd Erden wider die vngerechten vndertrucker vnd Tyrannen zeugnis sagen/vnd wirt der zorn Gottes/welcher hiedurch sich nur je mehr vnd mehr anzündet/vnd erzbrent/inen mit ewigem schmerzen vnd klagen lohnen. Warlich Lieffland hat langsten einen eckel vnd absehew/ wegen des grausamen blutuergiessen der armen Christen Gott der oberste Siegesfürst/wölle E. R. M. einen erwünschten Sieg vnd triumph wieder dero Feinde die Barbarische völcker mild:iglich verleyhen/welcher gnaden wir vnser vnschuld vnderthänigst *recommendarn* vnd besehlen. Datum Reg: den 20. Septem. br Anno 1621.

CHRI-

CHRISTOPHORUS RADZIWIL
 Von Gottes Gnaden/Herzog der Birzarn und Dub
 birken / Fürst. des H. Römischen Reichs Feldoberster/
 der Armee des Großherzogen von
 Littaw/2c.

Entbeut dem Rath vnd allen Ständen der Stadt
 Riga seinen Gruß.

Nach dem ich nicht allein durch gewisse Botten/
 sondern auch ewere Schreiben/ von der Ubergabung ewer
 rer Stadt berichtet worden/hat mich dieser euch zugestanz
 dener Unfall/wie nicht vnbilllich/hefftig beweget: Nicht darumb/
 daß durch solchen Veriust/ Königl. May. vnserm Gnädigsten
 Herren/ vnd den Ständen/ ein vnwiederbringlicher Schade wi
 derfahren: sondern daß mich bedüncket/ ich sehe den Tag schon
 vor Augen/welcher euch vnd all ewer Wolfart den endlichen Un
 tergang bringen werde. Dann so vn menschlich bin ich nicht/daß
 durch menschliche Zufälle ich mich nicht bewegen liesse: Auch
 nicht so vnfreundlich/ daß ich vnser bisher gehalten vnverrückte
 Freundschaft vergessen könne. Derhalben wollet an jeso wol bes
 trachten/was ihr für ein Freund an mir gehabt / nach dem ihr nu
 mehr Kön. May. vnd den gememen Ständen / vnd hierdurch
 auch mir abholdt zu werden angefangen: Darneben aber nehmet
 in acht/was ich von dieser ewer That halte / vnd was Kön. May.
 sampt den Ständen darüber iudiciren möge.

Ein solche Stadt habt ihr vngedrungen dem Feind vberges
 ben / welche in ihrer besten *Flor* vnd *vigor* gestanden / mit Wassen
 vnd allen Sachen zum Ubersfluß versehen / vnd zu welcher Ent
 setzung der hülfreiche *Succurs* nicht fern gewesen: Hierin aber
 habt ihr den Eyd vnd Bund/mit welchen Königl. May. vnd den
 Ständen ihr zugethan vergessen/vnd nicht erwogen/ was für ein
 End solcher frühzeitiger vnd vbereilter Rath vnd That gewinnen
 werde.

Dann daß ihr erslich fürgebet/man sey euch nicht zu Hülf
 kommen/

die honig im mund / vnd ihren stachel im hindern tragen: der anfang
ist lieblich / aber das end kläglich: dann nach dem lachen vnd kurtz
weil in diesem leben folget der ewige todt / da heulen vnd zahnklap-
pen seyn wird.

Es fiel mir auch eyn / daß dieweil der Mensch vō Gott erschaf-
fen / auff dz er vber alles / was in der welt ist / herrschen solte / ihm nie
gebüren wolte / sich zu einem Slaven so schlechter vnd geringer
Creaturen zu machen: daß die ganze welt zu wenig wer / ein erbgue
zu seyn für die Kinder eines so grossen Königs: Daß Gott mich
nicht darumb mit einer Seelen / welche vnsterblich / begabet / auff
daß ich mich denen Gütern ergäbe / in welchen kein leben viel weni-
ger eine vnsterblichkeit ist: daß dieweil meine seel einer Himlischen
art vnd natur ist / sie billich sich vber diese irdische Güter schwin-
gen / vnd nach den Himlischen trachten solte: Endlich / so machte
ich mir die rechnung / daß ich geringen vorthail haben würde / wann
ich schon die ganze welt gewünne / vnd neme schaden an meiner
seelen / vnd were ein schlechter trost / mit vielen Ehrentitteln in die
Helle zufahren.

In solcher betrachtung hab ich die wort Christi behersigt / da er
zu Martha saget: du hast viel sorge vñ mühe: eines aber ist
noth. Ich hab die vermahnung in acht genommen / da er spricht:
Trachtet am ersten nach dem reich Gottes / vnd nach
seiner gerechtigkeit: so wirt euch alles zufallen / vñ anderst
wo: wircket speise / nit die vergenglich ist / sondern die da
bleibet in das ewige leben. So sind mir auch die wort des A-
postels sehr tröstlich vnd anmütig fürkommen / da er sagt: Es ist
ein grosser gewin / wer gottselig ist / vnd leßt ihm benüge:
denn wir haben nichts in die welt bracht / darumb offen-
bar ist / wir werden auch nichts hinaus bringē / wenn wir
aber nahrung vnd kleider haben / so lasset vns benügen.

Demnach auch die exempel offte mehr nachdruck haben / dann

Hebr. 11.

die lehr / so hab ich mir das exempel Moses fürgestellt / welcher /
 da er gros ward / nicht mehr wolte ein Sohn heissen der
 tochter Pharaos / vnd erwöhlet viel lieber mit dem volck
 Gottes vngemach zu leiden / denn die zeitliche ergeküß
 der sünden zu haben / vnd achtet die schmach Christi für
 grösser reichthumb denn die schätz Egypti: denn er sahe
 an die belohnung. Desgleichen / das exempel Davids / welcher
 sich dessen mehr rühmt / daß er ein knecht Gottes / als ein König vñ
 ber Israel sey / vnd das hauß Gottes seinem Königlichen Pallast
 vorzeucht. Nicht weniger das exempel des fürtrefflichen Keyfers
Theodosii / welcher mehr dauon hielt / daß er ein Bürger war im
 hause Gottes / als von aller herzigkeit seines Reichs. Sonderlich
 aber hab ich mich vber den H. Apostel Paulum verwundert / der er-
 zogen gewesen zu den füßen Gamalielis / der alle geheimnis wuste /
 vnd mit Engeln zungē redete / der sich rühmē konte nach dem fleisch
 vnd vnder denen / so seines geschlechts warē / allerley vortheil hatte /
 gleichwol bezeuget er Phil. 3. daß er alles / was ihm gewin-
 gewesen / vmb Christus willen für schaden geachtet.
 Denn / spricht er / ich achte es alles für schaden gegen der
 vberschwenglichen erkentnis Christi Jesu meines Her-
 ren / vmb welches willen ich alles habe für schaden ge-
 rechnet / vñd achte es für dreck / auff das ich Christum
 gewinne. Also wirt von allen Aposteln gemeldet / daß sie zu Chri-
 sto gesagt haben: Sihe wir haben alles verlassen / vñ sind dir nach-
 gefolget. Die antwort / die der Herr ihnen gibt / hat mich vber die
 massen getröstet / da er sagt: Warlich ich sage euch / daß wir verläs-
 set häuser / oder brüder / oder schwester / oder vatter / oder mutter / oder
 der weib / oder kinder / oder äcker / vmb meines namens willen / der
 wirts hundertfeltig nemen / vnd das ewige leben ererben: Derhalbe /
 wie die Apostel ihre garn verlassen / damit sie Christo nachfolgen:
 also hab ich mich aller der sorgen vñd betrieglichen hoffnung / die
 mein

Mat. 19.

mein gemüt gleich als in einem strick gefangen hielten/ entschlagē/
 vnd mit dem Königl. Propheten David geschlossen/Psa. 119.
 Daß mein theil were, Gottes wort haltē/wie auch Christus spricht/
 Luc. 11. Selig sind/die das wort Gottes hören vnd bewahren. Ich
 hab mit Maria dz gute theil erwehlet/ das nit von mir sol genom- Luc. 10.
 men werden. Bistu schon nit reich (dacht ich bey mir selbs) an welt-
 lichen gütern: so wirstu doch reich seyn in Gott/vñ ein erbe seyn des
 Himmelsreichs/welches er denen verheissen/die in lieb haben: du wirst
 die köstliche perlen bekommen/von welcher Christus redet Matt. 13.
 nemlich die erkantnuß des Evangelij/ vnd die gaben des H. Gei-
 stes: ja du wirst Christi selbstens/des reichthums Israels vñnd der
 Herzigkeit vnser hoffnung theilhafftig werdē: du wirst einen schatz
 im Himmel haben/ den weder die motten vñ der rost fressen / noch die
 diebe nachgraben vnd stelen. Ob du schon nicht in hohen ehren bey Matt. 6.
 den Menschen bist: so wirstu doch Gottes eigenthumb seyn / vnd
 das Königl. priesterthumb: du wirst dich des eltesten Adels auff Malach. 3.
 der welt rühmen können: dann die ehre/die Gott seinen kindern be-
 reitet/ist älter dann Himmel vnd Erde: Hastu nicht viel lusts vnd
 freude auff dieser welt: so wirstu desto mehr geistlicher freude ha-
 ben/du wirst dich in deinem Heiland freuen:welches eine herzliche 1. Petr. 2.
 vnd vnaußsprechliche freude ist:vnd gleich wie David/als er in der
 Wüsten flüchtig war/sich tröstet der hoffnung des Königreichs/
 welches d' Herz im versprochen: also wirstu dich trösten der hoff-
 nung der ewigen freude/die Gott dir sampt seinen Engeln bestime
 hat: Endlich/wann es dir schon gieng/wie Jesu Christo/der nicht
 hatte/da er sein haupt hinlegte/vñnd ruhen möchte/so wirstu doch
 ruhe haben in deinem gewissen/vnd wird sich dein herz dessen fre-
 wen/daß der Herz dein gut vnd dein erbtheil ist in ewigkeit: Du Psal. 16.
 wirst mit Davids sagen:

Wie lieblich sind deine wohnunge/ Herz Zebaoth. Meine seele Psal. 84.
 verlangt vnd sehnet sich nach den vorhöfen des Herrn: Mein leib
 vnd seel freuen sich in dem lebendigen Gott. Ein tag in deinen vor-
 höfen ist besser dann sonst tausent. Ich wil lieber der Thür hüten

B 2 in meis

in meines **G**ottes Hause / denn lange wohnen in der
gottlosen hütten.

Wie es nun meinem fleisch sawr ankomen / weltliche ehr vñ gü-
ter zu verlassen: also kam es demselben noch frembder für / sich in ei-
nen so beschwerlichen stand zubegeben: Es hielte dieses für eine thorz-
heit / daß ich den schönen ebenen wege verlassen / vñnd dahin gehen
solte / da lauter dornen vñnd disteln stünden / es stellet mir für augē /
wie das Evangelium so gar verächtlich were / sonderlich zu diesen
betrübtten zeiten / da es für ein laster gehalten wirt / Gottselig zu seyn /
vñnd für eine schande / Christo zu dienen. Aber ich hab / nach dem ex-
empel Pauli / diese Otter ins Fewr geschlenckert / also dz mir nichts
vbels dauon widerfahrē: ich hab gedacht / ich müßte solche vermeins-
te schande in wind schlagen / vñnd mit Paulo sagen: **I**ch schäme
mich des Evangelij von Christo nit: den es ist eine kraft
Gottes / die da selig macht alle / die daran glauben. Ich
hab dafür gehalten / es were besser für der welt veracht / als für Gott
vñnd den Engeln verflucht zu seyn / besser / aller leuth fegopffer oder
schulumpen / als vom Himm̄el verstoßen zu seyn.

Dieses hielte ich für eine rechte thorheit / wann einer wolt erndē /
vñnd nicht säen: den sieg erlangen / vñnd nicht kämpffen: gekrönt wer-
den / vñnd nicht in den schrancken lauffē. Vñnmüglich ist es / gemein-
schafft haben am creuz Christi / vñnd durch dasselbe nicht gedrückt
werden. Dann auch das Osterlamb mit bitter salsen mußte gessen
werden: vñnd vergleicht sich dz brot des H̄rzen mit dē brot Boas /
welches in essig getuncket ward.

Dieweil auch Christi reich nit von dieser welt ist / so hielte ich dies-
ses für eine grosse thorheit / wann einer die welt in seinem reich su-
chen wolte / vñnd jm die gedancken machen / daß er in dem reich des
feinds aller kinder Gottes in ruhe vñnd frieden würde leben können:
oder wann einer wolte warten / sich zum Evangelio zubekennen bis
alle verfolgungen auffhörten. Welcher ihm Jesum Christum ohn
creuz / vñnd ein Evangelium ohn schmach vñnd verfolgung einbildet
der wartet / bis **G**ott der H̄rr einen neuen weg zum Himmels-
reich bereite / vñnd die Welt vñnd der Teuffel nicht mehr seyen.

Dann die Feindschafft der alten Schlangen / so im irdischen Par
 radeiß ihren anfang genommen / wird nit auffhören / bis wir in das
 Himlische Paradeiß kommen.

Ferner / so hab ich betrachtet / daß was vns für Creuz vnd
 verfolgung wegen des Euangelij in dieser Welt zu handen kömmt /
 Christus dasselbe zuuor gesagt : vnd daß er denen / die sich vnder jm
 schreiben lassen / diese Regul fürschrēibe : **Wil mir jemandt** Mat. 16.
nachfolgen / der verläugne sich selbst / vnd nehme sein
Creuz auff sich / vnd folge mir. Er lehret vns / daß wir durch Mat. 7.
 die enge Pfordten in das ewige Leben hineyn gehen sollen : vnd das
 ist der vorthail / den er dem Apostel fürhelt / damit derselbe sich zu jm
 begeben / vnd ihm diene : **Ich wil dir zeygen / spricht er / wieviel** Act. 9.
du leyden must omb meines Namens willen. Dessen der
 Apostel wohl eyngedenck gewesen / als er gesagt : **Wir müssen** Act. 14.
durch viel Trübsal in das Reich Gottes gehen : Item
Alle die Gottselig leben wollen in Christo Jesu / müssen 2. Tim. 3.
verfolgung leyden.

Ich hab mich selbst beschuldigt einer zärtlichkeit / als ich die
 Augen geworffen auff den Daniel / welcher sich lieber zu den Lö
 wen in den Graben werffen lassen / als daß er solte vnderlassen ha
 ben / Gott den Allmächtigen anzuruffen : vnd auff seine Gesellen /
 die sich lieber in den glüenden Ofen werffen lassen / als daß sie solten
 das Gößenbildt angebetet haben : wie auch auff so viel Märterer /
 die lieber ihr Bludt vergossen / ehe sie sich mit Abgötterey besudeln
 wollen.

Ich ward bestürzt / als ich sahe auff Jesum / den An
 fänger vnd vollender des Glaubens / welcher / da er Heb. 12.
 wohl hette mögen Freude haben / erduldet er das creuz /
 vnd achtet der Schande nicht. Dann ja der Knecht nit Joh. 3.
 grösser ist / dann sein Herr / noch der Apostel grösser dan

B iij der

der ihu g-sandt hat. Demnach wir sehen / daß Christus / vnser
 Haupt / mit Dornen gekrönet / mit Essig geträncket / vnd dermas-
 sen geschlagen vnd zugericht worden / daß das Blut an allen En-
 den auß seinem Leibe gestossen: so ist es vns billich verweißlich / die
 wir seine Glieder seynd / daß wir allhie auff Erden gute Tag ha-
 ben / vnd dieser Welt freude vnd wollüsten genießten wollen. Es ist
 mehr dan billich / dieweil Christus vñ vnser sätigkeit willen so viel
 gelidten / daß wir willig vnd bereyt seyen / vmb seiner Ehre willen
 auch etwas zu leyden / nach der vermahnung des Apostels: **Lasset**
uns zu ihm hinauß gehen außser dem Läger / vnd seine
Schmach tragen Ich gedachte auch / daß es nit rathsam were /
 dz man zu verhütung eines geringen vñ vergänglichhen vbelts sich in
 in grössere vnd jmerwehrende pein stürcke. Nū ist kein grössere vnd
 hefftigere Pein / als die Pein des Gewissens: vnd sind alle Marter /
 dieses Lebens nur ein Kinderspiel gegen der ewigen Pein / mit wel-
 cher die werden geplagt werden / so das Thier vnd sein Bildt anbe-
 ten / vnd das Malzeichen an ihre Stirn nehmen.

Heb. 13.

Apoc. 14.

Rom. 8.

2. Cor. 4.

Apoc. 7.

Am meisten aber hat mich gestärket der Trost / welchen der
 Apostel vns gibt / da er spricht: **Daß denen / die Gott lieben /**
alle ding zum besten dienen: daß wir durch das Creutz
 gleich werden dem Ebebildt des Sohns Gottes: daß
 dieser zeit leyden der Herlichkeit nicht werth sey / die an
 vns sol offenbaret werden. Dann vnser Trübsahl / die
 zeitlich vnd leicht ist / schaffet eine ewige vnd ober alle
 Maß wichtige Herlichkeit / vns die wir nicht sehen auff
 das sichtbare / sondern auff das vnsichtbare. Vnd die da
 kommen sind auß grossen Trübsal / vnd haben ihre Klei-
 der gewaschen / vnd haben ihre Kleider helle gemacht im
 Blut des Lambs: die sind für dem thul Gottes / vnd die
 ren ihm Tag vnd Nacht in seinem Tempel. Sie wirdt
 nit mehr hungern noch dürsten: Es wird auch nit auff

sie fallen die Sonne/oder irgend eine Hitze: dann das
Lamb mitten im Stul wirdt sie weyden / vnd leyten zu
den lebendigen Wasserbrunnen / vnd Gott wird ab-
wischen alle Ehrenen von ihren Augen.

D. s. hat gemacht / daß ich bald anders Sinnes worden bin/
vnd dafür gehalten/ dz nichts süßers were/ als die Wasser zu Ma- Exod. 15.
ra/ wann Christus/ vnser rechter Moses/ dz Holz des Creukes da-
rein wirfft/ vnd vns des verdiensts seines Todts versichert: Ja ich
darff sagen/ daß die Trübsaln vñ des namens Christi willen einer
glaubigen Seele mehr Frewde bringen / als die ganze Welt einem
ruchlosen Menschen. Darumb sagt Christus: Selig sind die Mat. 5.
vmb Gerechtigkeit willen verfolget werden: dann das
Himmelreich ist ihr. Selig send ihr/ wann euch die Men-
schen vmb meinet willen schmähen vnd verfolgen / vnd
reden allerley obels wider euch/ so sie darã liegen. Send
frölich vnd getrost/ es wirdt euch im Himmel wol beloh-
net werden. Dann also haben sie verfolget die Prophe-
ten/ die vor euch gewesen sind. Auß diesem bedencen spricht
der H. Apostel Jacob: Meine lieben Brüder/ achtet es en- Jac. 1.
tel Frewde/ wann ihr in mancherley Anfechtung fallet.
Vnd S. Peter: Frewet euch/ daß ihr mit Christo leydet/ 1. Pet. 4.
auff daß ihr auch zur zeit der Offenbarung seiner Herz-
lichkeit frewde vnd wonne haben möget. Selig send ihr
wann ihr geschmähet werdet vber dem namen Christi/
denn der Geist/ der ein Geist der Herzlichkeit vnd Got-
tes ist/ ruhet auff euch. Vmb dieser Ursach willen haben sich
die Apostel gefrewet / daß sie würdig gewesen weren / vmb Act. 5.
des Namens Christi willen schmach leyden.

Vnd

Act. 5.

2. Cor. 12.

2. Cor. 7.

Phil. 2.

Mat. 10.

2. Cor. 1.

2. Tim. 2.

Vnd der Apostel Paulus / welcher bis in den dritten Him-
mel entzuckt worden / vnd vnaussprechliche Worte gehört / die kein
Mensch sagen kan / hat sich seiner Schwachheit lieber rühmen
wollen. Die Freude / so er in der Gesellschaft der Engel empfunden
hat / hat ihn nit verhindert / sich mitten vnder den Märtern zuer-
frewen. Ich bin / spricht er / guts Muths in schwachheit /
in schmach / in nöthen / in verfolgungen / in ängsten
vmb Christus willen. Dann wann ich schwach bin / so
bin ich stark. Daher kompts / daß er in seinen heftigsten schmerz-
hen geruffen: Ich bin erfüllet mit Freude / ich bin vber-
schwenglich in Freuden / in allem vnserm Trübsahl.
Dann er wuste / daß vns vmb Christus willen gegeben ist /
daß wir nicht allein an ihn glauben / sondern auch vmb
seinet Willen leyden.

Derhalben hab ich mir fürgenommen / nach der vermahnung
Christi / mich nit für denen zu fürchten / die den Leib töd-
ten / vnd die Seele nicht mögen tödten / sondern mich
für dem zu fürchten / der Leib vnd Seele verderben mag
in die Helle. Vnd so wir des Leydens Christi viel haben /
so werden wir auch reichlich getröstet durch Christum.
Sterben wir mit ihm / so werden wir mit ihm leben:
dulden wir mit ihm / so werden wir mit ihm herrschen.
Wer sein Leben wil behalten / der wirds verlihren: vnd
wer sein Leben verleuret vmb Christus vnd seines E-
vangelij willen / der wirds behalten.

Kein wunder ist es / daß beydes die verheissungen vnd dro-
wungen der Welt mich nit verhindern können / Gott die Ehre zu-
geben / sintemal die Welt nichts verheissen kan / das fürtrefflicher
sey / dan das Himmelreich / noch etwas dräwen / daß schmerzlicher
sey /

sey/dann die Hellsche Qual. Gleich aber wie ich vnerschrockenes
 Gemüths angesehen beydes die Welt / die ich verliesse / vnd das
 Creutz / so ich auff mich lude: Also da ich die Augen auff euch / mei-
 ne liebe Eltern / geschlagen / vnd mich erinnert ewer zarten vnd vät-
 terlichen / der freundschaft / mit welcher ihr mich auffgezogen / vnd
 der sorge / die ihr für mich getragen / in dem ihr nichts gespart / mich
 in guten Künsten vnd allen Tugendten zu vnderweisen : dargegen
 mir zu Gemüth geführt / wie hefftig ihr euch wegen meines ab-
 zugs / vnd daß ich mich zu der Religion / deren fürtrefflichkeit euch
 noch zur zeit unbekandt ist / begeben habe / bekümmern werdet : diß
 alles hat mein Herz sehr weich gemacht / vnd verursacht / daß ich
 bitterlich geweinet / vnd fast alle Kräfte verlohren hab. Dann ich
 mit Wahrheit sagen kon / daß ich solche Lieb zu euch trage / vnd euch
 dermassen ehre / daß so es vmb ein zeitlichs Leyden zuthun were / ich
 lieber tausent Pein vnd Marter hette außsichen wollen / dann euch
 beleidigen : vnd muß ich bekennen / daß ich mich vmb dieser vrsach
 willen hette auffhalten vnd abwendig machen lassen / wo Gott sich
 meiner Schwachheit nit erbarmet / vnd mir sein Gnadenreiche
 Handt gebotten hette / durch welche ich in meinem Fürsaz gestär-
 cket worden / vñ die Wort Christi zu Herzen gefasset / da er spricht: Mat. 10.
Wer Vatter oder Mutter mehr liebet / dann mich / der
ist mein nicht werth : vnd die Antwort / die er dem gegeben / wel-
 cher sagte: **HERR / ich wil dir nachfolgen / aber erlaube**
mir zuvor / daß ich einen Abschied mache mit denen / die
in meinem Hause sindt. Luc. 9. Christus sprach zu ihm : **Wer**
seine Handt an den Pflug leget / vnd sihet zu rück / der ist
nicht geschickt zum Reich Gottes. Da gedachte ich bey mir
 selbs : Sihe der Herr beruffet dich sekund auff die Weise / wie er
 den Vatter aller Glaubigen beruffen / als er zu ihm gesprochen:
Gehe auß deinem Vatterlandt / vñ von deiner Freunds-
schaft / vnd auß deines Vatters Hause / in ein Landt /
Das ich dir zeigen wil.

G Es

Es dauchte mich/das so ich meinem leiblichen Vatter verbun-
den/ich viel mehr dem Vatter meiner seelen verpflichtet were/vnnd
das es besser sey / Gott zu gehorchen/als den menschen.

Solche meine betrübnuß zu mässigen/hab ich mich durch diese
liebliche vnnd süsse verheißung des getrewen G D Etes getröstet:
Ich wil euch annemen/vnnd ewer Vatter seyn/ vnd ihr
solt meine söhne vnd töchter seyn/ spricht der allmächtis-
ge Herr. Daher ich also geschlossen: du verlässest zwar das Haus
deines Vatters/aber du gehest dagegē in das haus Gottes hineyn:
du schendest von deinen Eltern nach dem fleisch/aber dagegē wirstu
auffgenom̄en in die bündnuß vnd geistliche Freundschaft / die im
Hümel vnd auff erden genennet wird/vñ deren Christus das haupt
ist. Mein vatter vnd meine mutter verlassen mich: aber
der Herr nimet mich auff.

Ephes. 3.

Psal. 27.

Über diß/so hab ich mich getröstet/ das ich mich zu einer solchē
Kirchen begeben/die nit lehrt/das man vnder dem schein der gottsä-
ligkeit der kindlichen pflicht vergessen soll/sondern alle Christē ins
gemein zu wahrer vnd herzklicher liebe anweist / sonderlich aber vñ
den kindern erfodert/das sie vatter vnd mutter ehren/ vnd ihnen ge-
horsam seyen in dem Herren. Die liebe vnd die ehre/die ich zu euch
trage/ist also tieff in mein herz eyngegraben/das sie nit kan darauß
aufgelescht werden. Das Band/durch welches ich mit euch ver-
knüpffet bin/ist viel zu starck/das es könne auffgelöst werden: die
begierd die ich hab/mich gegen euch danckbar zu erzeygē/ wird nim-
mer auffhören/weil ich lebe.

Ephes. 6.

Gleich nun wie ich hoffe/ das ihr mir ein vnwidersprechliches
zeugnuß geben werdet meines guten wandels/ die zeit vber / die ich
bey euch gewesen: also hab ich nicht vnderlassen können / euch zu er-
kennen zu geben/das ich meine Religion geändert nicht auß leicht-
fertigkeit oder vnbesunnener weise / sondern dieweil ich dazu dur. h
die krafft der warheit vnnd innerliche bewegung des Geistes
G D Etes getrieben worden. Ich hette zwar gern dieselbe
Warheit in ewer gegenwart wider solche Doctores, die ihr hettet er-
wehlen

wch'en mög'n / verthädiget (wie ich dann mich vor diesem mit etz
lichen zu vnderchiedlichen mahlen vnderredet) sintemal mir bez
wust / daß Gott ihm auß dem Munde der Vnmündigen
vnd Säuglingen ein Lob zugerichtet : vnd daß seine
Krafft in den Schwachen mächtig sey. Dann gleich wie
Gott seine Geheimbnus den Weisen vnd Klugen verbirgt/
den Vnmündigen aber offenbaret : also ist die Wahrheit in
dem Munde der jungen Kinder stärker dann die Lügen in dem
Munde aller Gelehrten dieser Welt. Aber dieweil die gegenwertis
ge Zeit leyder also beschaffen / daß ich mich in solche Disputation
nit eynlassen können / ich hette mich dann in eine augenscheinliche
Gefahr begeben / vnd eine grosse Vnruhe in dem Ort / da ich war/
anrichten wollen / mir aber nicht were angestanden / mit lermen vñ
vnruhe in daß hauß Gottes eynzugehen : zu dem die *disputationes*
heut zu tag mehr geschreys als nutzen gebären / dieweil man dispu
tirt / nicht die warheit zu erforschen / sondern ehr zuerlangē / vnd sich
berämt zu machen : Als hab ich dafür gehalten / daß es sich besser
schicken / vnd erbätlicher sein würde / wann ich die vrsachen dieser
meiner bekehrung schriftlich verfaße : darin ich dann jekundt mit
der hülff Gottes mich bearbeitē wil / nach dem ich durch seine gnad
an solches ort komen / da man von der warheit frey reden vnd schreis
ben mag. Dann ich erkenne mich schuldig / euch meiner handlungē
halben red vñ antwort zu geben : vnd würde ich mich selig achten/
wann das geringe liecht / welches der Herr mir mitgetheilt / euch in
euer finsternuß erleuchten könnte : ich würde alsdann gern sterben/
wann ich euch mit mir auff dem weg des lebens sehen solte.


In mittelst bitte ich Gott den Vatter aller Barmherzigkeit/
daß er vns seine Gnade verleyhe / daß wir alle in Christo eines Sin
nes seyn mögen / vnd daß er euch mit der Freude vnd dem Trost
seines Geistes erfülle / damit nach dem wir allhie auff Erden seinen
Nam'n geehret vnd gepriesen / er vns auch droben im Himmel
herzlich mache mit der Herlichkeit / die er vns bereitet / ehe der welt
grund gelegt worden.


Das wünschet der jenige / der jederzeit vnd bis zum Altar begehret zu seyn. Geben zu Ge
dan / den 3. Aug. 1621. Ewer ganz bemüttiget / dienstwilliget vnd gehorsamet Sohn / der von Urkate


Matt. 21.


2. Cor. 12.
















154439

AB 154439


ULB Halle 3
003 247 325




2/5 7A → 02

VD 17







Farbkarte #13

B.I.G.



7

oder Schreiben
 daß I.
 tion vnd
 Durchleuchtig-
 ten vnd Herrn/Herrn
 Großherzogen in Littaw/ze.
 warumb vnd mit was
 ch vnd Rigam die
 ffland/
 ichtigsten vnd
 nd Herrn / Herrn
 ig in Schweden/
 iva,
 vnd Herrn / Herrn
 j, Herzogen
 c.
 nd dapffern vnd beharrlichen
 an.
 tig vnd wol
 r Christi

